

آیا شمو بلدی فاجعه آماده استین؟

تغییرات بیش از حد هوا د کوینز لند د هر موقع سال روخ میدیه میتنه که سر از شمو و فامیل شیم تاثیر دیشته باشه و املاک شیم ره خراب کنه. ای تغییرات میتنه شامل طوفان، سیلاب، چرخباد، زمین زلزله یا جنگل سوزی شونه. مونیتی که هوا ره کنترول کنی، ولی مو میتنی که آماده گی بیگری. پیش از یک فاجعه، توخ کنین که شمو اینا چیزا ره دیرین:

- ✓ یک پلان ایمرجنسی (عاجل) بلدی از خود خو و فامیل خو، بشمول یک پلان بلدی حیوانات خانگی خو
- ✓ یک لیست از شماره تماس بلدی ایمرجنسی
- ✓ یک بیمه تازه
- ✓ یک بسته بسته بندی شده ایمرجنسی

بلدی مالومات غدرتر و مشوره بلدی فاجعه، د ویب سایت www.getready.qld.gov.au بورین.

از کجا کمک بیگرین باد از یک فاجعه

کمک اجرایی و عاطفی از طرف ارگنای دولتی و غیر دولتی بلدی کسایکه از فاجعه متاثر شده د دسترس استه.

کمک شخصی و مشاور

ای معمول استه که باد از یک فاجعه عملای مختلف احساساتی ره تجربه کنین. کمک شخصی و عملی د دسترس استه اگه شمو یک ناراحتی عاطفی ره تجربه مونین و بلدی شیم مشکل استه که قد مشکلات گذاره کنین.

کمک بیگرین اگه شمو، یک اعضای فامیل یا دوست شیم:

- استریس عاطفی یا احساساتی ره تجربه مونه
- احساس خستگی مونین، زود میرنجین یا کدم تغییرات ره د خوراک یا خاو خو مینگرین
- کدم تغییرات د خوی خو تجربه مونین مثلا زیاد الکل موخرین یا کدم مواد دیگه استفاده مونین یا از دیگرو دوری مونین
- آیا فقط نیاز د یک نفر دیرین که قد شی توره بوگین.

شماره تماس بلدی کمک شخصی و مشاور

- خط حیاطی استرالیا ((مشاور)) (Lifeline Australia) – 13 11 14
- سلیب سرخ استرالیا (Australian Red Cross) – 1800 733 111
- سینت وین سن دی پال (St. Vincent de Paul) – 13 18 12
- صحت کوینز لند (Queensland Health) – 13 HEALTH (13 43 25 84)
- کمک قد خانه – 13 QGOV (13 74 68)
- خدمات عاجل ایالتی (SES) – 13 25 00
- خط مخصوص بهبودی جامعه – 1800 173 349

بلدی ازیکه شماره تماس و خدمات کمکای عمومی ره د منطقه خود خو پیدا کنین، د ویب سایت www.qld.gov.au و 'regional community support' ره توخ کنین.

کمک اقتصادی

کمک اقتصادی و خدمات کمکی شاید د دسترس باشه اگه شمو بخاطر فاجعه متاثر شدین.

کمک یکجای از طرف دولت کامنت ویلت – بودیجه بهبودی ایالتی (Commonwealth-State Disaster Recovery) Funding Arrangements (DRFA) تهیه موشه.

کمک های مالی (*Grants)

- ✓ **کمک قد مشکلات عاجل –**
بلدی کسایکه د منطقه فاجعه آور استه تا اونا ره قد نیازمندی عاجل مثل غذا، کالا و دوا کمک کنه.
- ✓ **کمک مالی قد سامان ضروری خانه –**
بلدی ازیکه کسایکه د منطقه فاجعه آور استه ره کمک کنه کسایکه بیمه نشده یا نمتینه که ادعای بیمه کنه بلدی ازیکه سامان ضروری خانه خو بیگره.
- ✓ **کمک مالی خدمات ضروری محافظتی و دوباره وصل شدو –**
بلدی کسایکه د منطقه فاجعه آور استه تا اونا ره کمک کنه که خدمات ضروری مثل برق، گاز، آو، آو بد رفت و صل کیدون سیستم گنبدیده ره دوباره وصل شونن.
- ✓ **کمک مالی بلدی مشکلات خدمات ضروری –**
کمک بلدی کسایکه از فاجعه آسیب دیده بلدی ازیکه نیازمندی عاجل خوره پوره کنه وقتیکه یک یا غدرتر خدمات ضروری ره بیشتر از پنج روز پیش از دست دده باشن.
- ✓ **کمک مالی بلدی ساخت و ساز –**
بلدی کسایکه د منطقه فاجعه آور استه تا اونا ره کمک کنه که خانه خو جور کنه و خانه خو محفوظ بلدی زنده گی کیدو جور کنه.

*معیار واجد شرایط وجود دیره

بلدی ازیکه بوفامین که کدم کمک مالی د منطقه از شمو د دسترس استه و بلدی ازیکه واجد شرایط بودن خو توخ کنین، د ویب سایت www.qld.gov.au/disasterhelp بورین.

مالومات غدرتر



دولت کوینز لند خدمات ترجمانی بلدی ازیکه مالومات د باره فاجعه، کمک مالی و کمک ره د زیبون از خود شیم فراهم مونه.

د شماره **1800 512 451** زنگ بزنین و یک ترجمان د زیبون دلبخوای از خود خو بخواین یا د شماره مخصوص بهبودی جامعه (Community Recovery Hotline) د شماره **1800 173 349** زنگ بزنین.